

Topik 1 Kata ganti nama diri

1. Maksud :

Kata yang digunakan untuk menggantikan nama orang.

2. Jenis: Terbahagi kepada 3 jenis:

- Kata Ganti Nama Diri Pertama (penutur).
- Kata Ganti Nama Diri Kedua (pendengar)
- Kata Ganti Nama Diri Ketiga (pihak / orang yang diceritakan halnya)

3. Bilangan penutur / pendengar:

- Tunggal (seorang)
- Jamak (lebih daripada seorang)

4. Golongan pengguna:

- Masyarakat Moden
- Masyarakat Melayu Lama (klasik)
- Masyarakat Istana / Bangsawan

5. Contoh Kata Ganti Nama Diri

- Kata Ganti Nama Diri Pertama - menggantikan nama diri orang yang bertutur

Kata Ganti Diri Pertama	Penggunaannya
aku (tunggal)	Digunakan apabila bercakap dengan kawan biasa atau dengan Tuhan (keakraban)
saya (tunggal)	Digunakan apabila bercakap dengan seseorang yang baru dikenali atau dalam suasana rasmi.
hamba (tunggal)	Digunakan untuk membahaskan diri sendiri pada zaman dahulu.
patik (tunggal)	Digunakan oleh rakyat apabila bercakap dengan raja atau sultan.
beta (tunggal)	Digunakan oleh raja atau sultan apabila bertitah kepada rakyat.
kami (tunggal)	Digunakan pada diri orang yang berkata serta temannya apabila bercakap dengan orang kedua.
kita (tunggal)	Digunakan pada diri sendiri dengan menyertakan diri orang kedua.

Topik 1 Kata ganti nama diri

b. Kata Ganti Nama Diri Kedua - menggantikan nama diri orang yang diajak bertutur.

Kata Ganti Diri Kedua	Penggunaannya
anda (tunggal dan jamak))	Digunakan untuk diri orang kedua apabila berhadapan dengan kita.
awak (tunggal)	Digunakan untuk diri orang kedua yang rapat hubungannya dengan kita.
engkau (tunggal)	Digunakan untuk diri orang kedua yang rapat hubungannya dengan kita dan dengan Tuhan juga (Engkau)
Tuan hamba (tunggal)	Digunakan untuk diri orang kedua pada zaman dahulu (jika kata ganti diri pertama digunakan 'hamba' mesti diikuti 'tuan hamba' sebagai kata ganti diri kedua)
tuanku (tunggal)	Digunakan apabila bercakap dengan raja atau sultan.
kalian (tunggal)	Digunakan untuk beberapa orang yang diajak bercakap.
kamu (tunggal dan jamak)	Digunakan untuk diri orang kedua yang rapat hubungannya dengan kita.

c. Kata Ganti Nama Diri Ketiga - menggantikan nama diri orang yang diceritakan halnya (orang yang diceritakan halnya tidak hadir)

Kata Ganti Diri ketiga	Penggunaannya
Beliau	Digunakan untuk merujuk orang yang dihormati
Baginda	Digunakan untuk kerabat diraja
Dia	digunakan untuk diri orang yang ketiga
Mereka	Digunakan bagi bilangan orang lebih daripada seorang

Topik 1 Kata ganti nama diri

Bentuk kesilapan

Bentuk kesilapan.

SALAH	BETUL
" Kami tidak harus mengalah sebelum perlawanan bermula," kata Murthi kepada Azrul.	" Kita tidak harus mengalah sebelum perlawanan bermula," kata Muthi kepada Azrul.
Kereta itu sungguh mahal kerana ianya diimport dari Jepun.	Kereta itu sungguh mahal kerana diimport dari Jepun.
Beliau diberkas kerana terlibat dalam kes penipuan.	Dia diberkas kerana terlibat dalam kes penipuan.
" Hamba mohon maaf atas kesalahan hamba ," kata Paduka Ali kepada Sultan Mansor Syah.	" Patik mohon maaf atas kesalahan patik ," kata Paduka Ali kepada Sultan Mansor Syah.
Kakitangan syarikat ini sedia menolong engkau .	Kakitangan syarikat ini sedia menolong anda .
Saya ingin berjumpa dengan ia .	Saya ingin berjumpa dengannya.
Mereka-mereka sedang bermain bola di padang.	Mereka sedang bermain bola di padang.

Ringkasan

Kata Ganti Nama Diri	Tunggal	Bilangan Banyak / Jamak
Diri Pertama (penutur)	aku saya patik hamba	kami kita
Diri Kedua (pendengar)	awak kamu engkau encik cik saudara saudari tuan puan anda tuanku tuan hamba	awak semua kamu semua saudara sekalian saudari sekalian encik-encik cik-cik tuan-tuan puan-puan anda semua kalian
Diri Ketiga (orang yang diceritakan halnya)	Dia la Beliau Baginda	mereka

